

皇朝神典

二

2
4
53

東 京 圖 書 館

冊	號	架	函	類	門
1	2	3	4	5	6

W 5547/23

皇朝神典卷之二

武陽八王子

天津真 著述



夫昭皇大神。惟神嚴皇元女。光華明麗。質性乃
 神。乃望照臨。明察同于日月。覆載勳烈。合于天
 地。纘神嚴皇神業。昇踐天位。德澤周徹于四表。
 乃六合咸康寧。天下大和。萬邦蒼生仰歆。罔疆
 至德。健速。晉男大神。惟天照皇大神。太弟容貌
 魁偉。氈氈生。重握鬚髯。質性剛健。毅武有雄畧。
 時艸昧世。萬物弗通。晦蒙否塞。艸葦滿墊。樹卉
 盈山。神晉男勇悍。開通谿嶽。道達河海。猛烈天

折邪鬼奸祿。戕賊厲禽惡獸。爲谿嶽崇閼。河海
浩治。啓土地建邦國。曾曰。外夷靡台。攸施治。乃
造于天府。惟歛造嚴設武備。佩十拳劍于左腰。
負十箭鞞于右背。揮殤轟轟。躡蹶起塵塊。
塵塊踣蹶。乃山澤盡鳴動。高崖爲谷。深谿爲陵。
是始地皇大神素識弟尊。尊者高位顯明強剛
大震也動陵物。聒歛造曰。惟朕考妣曩隲。歛任各保。歛
疆朕弟。晉男播棄。歛當就之國。肯朝天府。惟弗
祇若。皇考休詔。乃迨晉男。未來朝。裝玉躬。惟解
鬢髮爲髻。服白衣白裳。績纏琲塗。光明瑤于髻。

鬢暨兩腕。琲塗者五而立朝廷。清音鏘鏘。冠佩
華麗。容貌盛美。躬光射人眼。惟歛嚴肅。祇且畏
恐。乃肯降階。躬親邀迎。詔曰。汝詣。惟胡弟尊對
曰。台造于朝。惟奉若明明。皇父大詔。將逖徂。就
于任國。若弗覲。姊惟台。弗戡行肆。將相覲語。歛
離別。乃躋跋山嶽。濟涉川流。犯凌靄嵐。肯來朝。
台豈有邪思哉。皇大神乃詔曰。汝心清明。奚用
歛徵。旃弟尊曰。惟歛明旃。胥誓皇大神。誓曰。惟
汝晉男。若罔有黑心。宜亟錫十拳劍于朕弟尊。
直捧獻之。弟尊亦請曰。冀錫姊尊。攸佩光明瑤。

于台皇大神載授界之弟尊恭拜稟膺各洗滌諸天真井深納匱昆滄滄胥親睦歷載月皇大神茲方識弟尊固无邪思男神請女神之理通也其氣也天真井天上之水也水者萬物之始也此皇大神有八子其一曰妙絕媛復名妙凝媛神性慈惠良正和諧其二曰真美媛復名愛真媛天性靜正而婉順其三曰妙強媛復名妙勝媛神資朴直有貞操其四曰愛秀躬復名大玉躬神聖英武良智博達仁愛醇篤其五曰秀靈復名揮靈天質聰敏雄傑有策畧其六曰天彦望

復名天奇靈質性聖明寬大而嚴栗其七曰活彦望復名嚴猛資性穎悟勇敢果決其八曰雲埜奇靈復名雲埜大產靈天稟廉潔豪爽崇義茲皇大神特鍾愛愛秀躬肆稱愛秀躬愛秀躬載既長娶萬機媛思慮神也子玉美媛厥生子一曰天日高彦穗熟饒復名天饒國饒彦天資睿哲深重至仁二曰天照國照彦秀明復名天瓊耀門復名饒速如神質俊秀通明豁達穗熟饒娶天道媛三曰頻鑄媛復名天香山嬌態淑美天性沉默肇鍛鑄銅錦越秀靈亦有子一曰健照夷復

名征夷。性剛毅，有威嚴，立勲績于夷狄，不顯國
家光。二曰健真熊，復名熊主。性侗儻，英果，厥有
力過于熊羆。越天彥聖之子，曰真一子，復名奇
真一。性豐大，寬裕，弗爲耳目，攸役曰御影。復名
明立真陰，性沉深，爽明，自有威福。曰豐真身，復
名天真情，性沉勇，夙夜勤勉，弗怠。

天照皇大神，自湖臻于山後，不闢天府，誕照四
國，取法于皇天，收財于后土，尊敬天神，親愛地
祇，立天下大政，珍奇弗爲寶，攸寶惟賢德。且食
飲暨衣服，斯蒼生攸天，乃皇政攸基，惟稼穡天

下先務，惟稻粱天下大寶，乃一朝詔，晉男尊曰。
朕聞葦原廣瀨國有田祖，保食在汝，宜就見咨，
耕稼蠶織之術，欽哉。尊奉詔，率從熊主，距葦原
廣瀨，訪保食，宣勅，需八穀，保食曰。唯唯，乃手揉
厥糝，拔厥糠，炊爨米粟飯，口啓，厥毛，剥厥皮，喫
釘，鳥魚肉，設百般俎，味式饗饌，且獻黍稷稻粱，
菽粟麥稗八種，嘉穀暨山原蠶，桑樞，熊主有
力，咸負擔提携，歸朝，獻諸皇大神，皇大神閱覽
歡喜，曰。惟誤數穀，惟蒼生之良食，宜喫噉，遂生
活，都執誤種，乃立邑長，庸勸農蠶于蒼生，奄製

造耒耜。乃辟除艸菜。乃墾耕土田。乃理厥溝洫。乃甸厥疆界。播菽粟暨麥黍。于曠播稻粱稗。于曠名厥曠曰狹田。安田一名名厥曠曰長田。平田一名至龜則垂穎穰穰。莫莫快實。曩且伴植桑。暨檀于天神籠山。在大倭市郡枝葉荔荔。萋萋穰穰。摘採厥葉。折把厥條。畜養蠶蠶。吳獲蠶。惟含窾。厥蠶于噫頻頻。抽絲。惟農桑業成于茲。惟穀暨蠶。亶天下休養。涵煦之良具。聿造曰杵舂穀作機。拔織帛。天下受厥賚。茲庸黎民繁殖。當是時。純重飲食暨祭祀。

皇大神曾有神田。惟盡肥良。雖歷霖霖旱暵。靡或有弗熟。尊亦有神田。惟盡瘠。礮雨載流。損旱載焦枯。乃尊割皇大神畎。畎春將伴農夫服田疇。下禾種則尊毀圯。賑畔填塞溝渠。式妨厥墾。隳捷也。抑皇大神挾厚恩深親意。待式平恕。靡敢敦靡。敢對從容雍諧。曰惟朕弟尊。毀疇圯。惟爲愛惜。厥地焉哉。農事正畢。皇大神將行新嘗。伴稚日女織神服。稚日女黽勉從事。皇大神躬親臨覽于齋服殿。尊窺睨生刺。駭駒皮拋投諸織殿。稚日女驚忪。過墜乎機。毀傷厥體于攸。

秉拔皇大神。憤愠。其所愠在于尊而皇大神不在彼而不在己。鑑入于天巖宮。大倭高市郡磐屋即是也。閑鎖磐門式幽居。茲日有食之既。乃皇天后土咸闇昧。靡辨晝夜。日月無光。天地晦冥。神人哀籲皇天。罔疆惟恤。喧響涌沸。若群蠅萬物妖孽。頻頻發起。乃八萬神萃聚。戚戚奄憂。畢胥會于天安住神廷側。純猷禱祿。方高皇產子思慮。復名深意思慮。復名其子。一曰天表。二曰天下春。性有深謀遠慮之智。覺守至正。式整理典憲。調和陰陽。乃為議長立神策。謂世運盛衰。宇宙治亂。惟因神道行弗行。當今天下

微大日靈神道難行。乃誥諸神曰。惟宜摸造神像。奏神樂。式恭祿祐諸神。僉率從思慮。小大議圖。乃思慮大統諸神。祇攝行天下大政。惟天下之事。允莫靈于形象。天下之用。允莫神于聲音。聲音克悅耳。形象克悅目。惟大樂與天地同和。樂和肆萬物咸化。肆神樂克解怨釋忿。乃神樂惟天地之雍和。乃圖造大神像。發揚絲竹音。庸招禱。惟治安天下。良策秀明子鑑工。頻鑄媛。懃率天彥。聖子冶工。天真情暨厥侘。諸工採天安住神廷側之堅石。暨天金山。一名天香山。在大倭十市郡。之

真錦且全剥麋皮試作羽翰惟假風力熾歛爐
火茲脩火利鑄造日像鑑名曰深妙神躬八咫
鏡或作八頭鏡復鍛鍊日稍暨日斧暨日鐸腕
力男子日鷲復名翔矢憺敷採楮作白幣日
鷲子白衣復名深明彦復名長憺用麻措作青
幣惟治麻絲作布帛起原高皇產女奇明玉憺
砥礪作珮塗大明光瑤或作八尺曲玉惟斯思
慮眷命召茲四品凡茲諸物奄聚彙乃思慮暨
太供復名奇供是奇明玉媛之兄也太供曾娶
守門復名媛生大宮女復名大都媛又生豐磐
奇磐守門祇主太卜猷生捕天神籠山之牡霞

全拔骹骨且伐天神籠山之樺一名朱櫻乃折乃地
為薪為蒸乃徐徐焚燒庸炙灼霞骹而卜審
卦吉凶神明歛依霞卜協從歛兆合謀惟霞卜
起原乃思慮握抽天神籠山之苑苑榮檀孜孜
携來綴著玉工祖明玉攸磨瑤于上條尚且敵
懸鑑工祖頰鑄攸鑄鑑于中條聯垂幣工祖日
鷲攸造幣于下條式作太幣倅齋部祖太供惟
恭奉供暨諸神偕大祿祐中臣長祖思慮進通
于巖宮前不顯敷奏厚敦至誠之大諄禮惟不
克協神心更設庭燎燎光煌煌矣映八邊且獵

集雄鳴雄鳴嚶嚶。魁侏侏腕力男。佇立于磐門側。伴真明女。公祖滑稽女。爲神樂長。滑稽女服。粲粲衣裳。捫天神籠山荔。一名蔓。惟拳爲襟。一名手纏。卽交。捫天神籠山女蘿也。惟懸爲髮。採結帶也。天神籠山。箏箏。惟結諸兩腕。用天產自然者。手把垂鐸稍。一纏鐵。覆空槽于巖宮前。恍然舞蹈于殿上。載清響。喤喤且煽。詠算數歌曰。一二三四五六七八九十百千萬發露。兩胤于袿表。表或垂裳條于臍下。惟其俳優諸神。偕反覆吟詠。偕恍惚歡笑。悠優暫。謖憂患。腕力男子彈靈併。

天麿弓凡六張。式作琴。惟其彈奏。惟琴瑟起。美茨彦子興起。秀大採天神籠山之鐘竹。彫孔子節間。凡八乃。咄噉而鳴。噉惟笙笛起。美茨彦子彦七。削伐天神籠山之檣。檣削厥措爲柀。惟其拍擊。惟時厥用。和于樂聲。乃天廷歆歆動搖。凡惟神樂起原。

神樂酣未闋。實足感格神明。乃丕顯有應驗。天照皇大神精神感動。少闢天磐門。窺覩謂滑稽女曰。惟八萬神。曷欣喜歡悅。當斯際。太供祇進。捧觀厥幣鑑。皇大神逾以爲奇異。將出門臨覽。

腕力男急握厥戶。惟開闢。摻執皇大神袂祛劫。惟援誘中臣齋部兩神。延亘端出繩疆乎厥后。再拜誓首。祈祿皇大神曰。惟諸神欽將自今而后。從茲以內。罔復入。端內厥幣鑑于巖宮。伴茂檀室塞于門戶。乃皇大神弗克入于厥宮。時神鑑觸磐戶。少璽瑕。是即今伊勢也。惟迪導乃遷徙皇大神于離宮。思慮暨太供縈挂日綱于厥擔。伴大宮媛侍從于皇大神左右。是猶如今世美詞。和君臣之間。念悅懌宸襟之類也。大宮媛惟太供子。資性温恭。有逸才。百行不慮。自貞正。伴豐祝守門守衛。

厥宮門。是守門之神也。時光明倬倬也。照燾于宇宙。普天之下。率土之濱。原曄曄燁燁。八萬神將歡具。意咸偕相見。載面面盡。晶晶明白。載伸手俱舞。踏歌吟曰。都靈出兮。都面白兮。都歡樂兮。都清適兮。惟燕宴會原緣。

思慮伴興起。秀大暨彦七。削造營新宮。二神用天度量。斧伐巨峽。細峽之良材。鉏立內外。小大之楹柱。茲皇建築新瑞宮。復遷移皇大神于茲。思慮太供立勲績。頗高大有勲。弗伐有德。滋恭。粵歷日舊。然後八萬神祇揆而科辜于晉男尊。

誚噴曰。惟汝孔暴。自今至于后日。罔住于天廷。
罔居于中原。宜遄逝遐適。于北狄。予豈肯動用
非罰哉。汝動用非德。尊弗肯伏。厥辜乃諸神共
議。課贖具千座。式頻促徵。乃贖具弗充足。弗克
式贖。厥罪戾。天下無生而貴者。神乃逐諸雷。北
邊陲。伴思慮。宣禳禱。用割管。乃禘祓。惟刑以防
姦惡之起源。猷晉男尊。貶適方逢。于霖雨連日。
颯颯瀟瀟。乃哀編蒼艸。肇製蓑笠。艸笠蓑具。
惟服。且作糾糾葛屨。惟履。往往請覯。宿于衆神。
衆神僉曰。惟汝暴行。自災于厥躬。自作弗靖。爲

見黜謫。世罔攸容。厥曷請宿于吾哉。俱距禦肆。
弗克堅惕。晉男尊固剛健。弗陷頻犯風雨。雖弗
迷于烈風雷雨。鴻勤苦邁。行卒爾原造天廷。白
皇大神曰。惟台更戾。天廷豈有佗哉。衆神處台
用彼遐狄。乃覲姪而行。肆孚懷清心。式復來廷。
在今既已覲覲。當隨衆庶心。遐逝于夷狄。請姪
平安。照臨天下。自今而后。台復祗康。綏彼夷狄。
冀賜台十拳劍。皇大神大嘉尊清心。乃賚彼劍。
尊拜受。卽遶。陵弗復假。昆也。陰陽和而萬物得
厥誼。

晉男尊翱翔天極。徘徊地極。周方行天下。方也。博巡行海表。不顯耿光。式揚大烈。聿將至于雷。緋水源征峯。在多郡。緋水湯湯。有箸從上流流下。尊乃眎視。惟水源必有人。浴流溯洄。載聞遙有啼哭聲。達載瞻望。牆屋翁媪挾少孃。若撫綏若涕泣。尊若曰。咨汝惟疇。翁愕愕駭。仰瞻對曰。吾惟國主撫脚主妻。名撫腕主孃。名奇稻田媛。乃尊復曰。咨汝哭惟曷。翁赧赧羞恥。拭目對曰。吾固有八子。盡爲巨蟒。攸喫害。今殆殄殫。攸羸惟茲。一孃在今。復當彼假期。肆哀傷。尊且曰。咨彼

蟒在曷地。翁對曰。惟斯在越山。陰或作山谷。翁之山也。彼頭起八顛。彼眼若銅鏡。彼尾有八岐。惟彼役假。壓檜相。蔓延于丘陵谿壑間。惟吾孔恐懼。尊謂翁曰。汝納歛孃于台。台靈寸斷。彼蟒蠲除。汝百世妨害。翁欣欣有喜色。曰。尊惟孰神。未識歛名。尊若曰。台惟高構。廷位天皇大日靈貴弟。健速晉男。今降臨于茲。惟翁媪私呬議。與投于蟒。寧納于尊。乃對曰。隨勅。惟獻納。尊唵唵歡喜。樹歛少孃于掌上。掀擎。誥翁媪曰。惟汝經營環牆架喬。葭于歛中央。須後彼假。台爲汝當劉。

殺彼蟒乃翁媪奉教勤劇不日營治尊乃變容
貌爲少孃窳坐于喬殿上至期果有巨蟒假忽
當戶奮開鉅吻將喫吞斫女兒尊瞰察大震怒
直擢攸佩十拳劍即天鉞乃斬乃屠載緋水變
血而流當斬斫尾劍及少缺名斫劍曰天叢雲
惟謂劍理有作叢雲形復名征蟒暴惟謂征伐
巨蟒暴悍猖獗或稱快斷劍惟稱截斷恭利復
名天屠斬惟謂屠斬彼蟒茲晉男尊斬蟒救人
立天下大勳

晉男尊與奇稻田將婚覓經營宮殿之地至雷

大原濯曰台徠茲地台心濯濯如清潔肆號斫
地曰濯鄉乃造宮室相偕居住名宮殿攸在曰
神室山初築造濯宮景雲騰起于斫地乃作歌
曰重雲起兮雷如重牆兮夫妻將棲兮重牆經
營兮斫重牆祥兮聿尊惟有子一曰八洲主寬
大有威克理國闢邦疆二曰劍彥剛直有節操
頻啓山林三曰排國慈仁有英才專開拓四方
四曰彌榮彥彊毅不倦克榮昌邦國五曰衝梓
通彥方正果斷純直而弗撓六曰青帛割艸彥
中正有智克織艸莖作席筵凡六尊時飲食宴

樂。喚撫脚主撫腕主。勅曰：嗟格汝二神。今台命汝爲兒宮主。乃尊再娶大山主女神。大市媛有子。一曰大歲復名大屋彦。德性清剛。有幽妙智識。克觀于天文。察盈虛。觀于人文。詳損益。肇作曆用。明時。二曰穉歲復名大屋媛。靜正通變。好盛大家屋。清潔居處。神凡二總八子。

大歲有子。名曰御歲。心剛氣勇。最好清潔。克樹藝八穀。惟娶神活產靈女稻媛。攸產稻媛。心端正氣平溫。襲娶光曜媛。光曜媛溫恭。克施恩惠生子。一曰燧彦。復名烹場彦。二曰燧媛。復名烹

場媛。惟茲二神。天資嚴肅。剛雄而憐恤。黎庶大起。燹炊之利。禪煇龜神是也。三曰足場。度量弘大有。厚德克闢。路道通往來。四曰導戶。恭和而好。清淨喜灑。掃戶前。守庭上。此二神知并。五曰耀山鄉。資性峻嚴。有大量喜治。谿丘。六曰速山鄉。踏深山。幽林而弗爲勞。喜開。狼峯嶺。七曰大領山。復名山巔。大主仁惠敦厚。而好安重。純領轄山嶽。是所旅。淡海日。三娶奇榮媛。有子。一曰大土。復名先立彦。器宇宏偉。嚴威而不猛。克明地理。是伊勢度會。二曰稻美媛。寬裕而深智。專

精干白杵利。三曰縮美媛巧織紡縑縹。四曰釀酒彦。資性英邁。有大度。頻釀酒醴。此三神所祭也。伊勢度會也。肆大歲有三妃。十有二子。茲八洲主娶振主女。振手玉身。乃生揮主。復名揮聖。英哲而奇才。充溢有拔群力。克揮巨劍。倒猛獸。八洲主復生大隅彦。直而不華。勇悍不屈。身體孔輕捷。克超涉巨川湖海。凡二神。揮主娶狹邦大之女。狹邦稚媛。狹邦稚媛節操純正。順天應人。乃生大國主。復名顯國魂。復名葦原猛男。復名八千矛。復名有多名。復名大地主。復名大物主。一神并七名。

晉男尊。既耄期深。覺知世道。蘊奧頗達。神理人倫。乃曰。天兼雲劍。惟亶神劍。台寧肯私哉。遣歛孫振聖。獻諸高構。廷位天照皇大神。然後尊徙居于雲巢峯。或作隱住峯。木國室郡。熊野邑熊成峯是也。終神化葬于木長去。靈退場時。鴻荒世。天造艸昧。蠢蠢醜徒。未潤露于神皇。德化乃皇大神。詔曰。惟瑞穗。罔朕子孫。正統遠裔。當皇之罔。惟朕元子。愛秀躬。方當康寧。惟歛任于汝。汝弗懈怠。總又蒼生。克施德政。式養蒼生。惟寶祚與天壤無窮。茲配萬機。豐明媛子玉美媛為妃。且伴秀靈寵。綏靈雲。

埜奇靈惟爲厥副。詔曰：汝正汝德，利財用，篤養蒼生，伴天彥，聖清寧湖。活彥聖，惟爲厥副。詔曰：豐葦原，湖國，惟朕皇考都國。乃汝彥聖，往又安哉。汝踐厥德，明哲庸敷政命。仁愛庸安庶民哉。且各頒賜寶璽，作神胤，瑞璽，惟賜左髻，璽于愛秀躬，右髻，璽于秀靈，髮璽于天彥，聖左腕，璽于活彥，聖右腕，璽于奇靈。時庸展厥親愛，皇大神復詔諸神曰：豐葦原瑞穗，因惟朕子孫，暨正統裔，當皇土地，皇子皇孫，宜卽皇位，安厥州，因天嗣之瑞穗，乃惟永遠，乃惟長久，萬有千載，惟尚

昌榮，惟尚豐饒，汝惟其保佑。

愛秀躬，生天日高彥，穗熟饒，復名天賑國，饒彥。次生天都囷光彥，復名天燾國，照彥秀明，皇大神特愛鞠穗，熟饒，猷皇大神，伴愛秀躬，卽天皇位。時乃盛于八脚机，式巖窟，招禱之深妙，鑑暨深明，光璽暨叢雲劍，茲謂二種神寶，皇大神手捧持，鑑璽暨劍，詔曰：惟茲明鑑，惟汝熟饒，純思朕魂，適安于汝宮，于汝位，惟朕子孫視茲三寶，當若拜手，誓首朕前，純致禮敬，是昭示父，惟厥若茲寶祚，隆榮當與天壤共永，罔窮極，惟汝庸茲。

三寶永作天嗣神璽崇神德廣神業哉。是確定君臣之
也。惟此明鑑晃晃旺旺能照燾萬物庸明闇乃
是智象。惟此明理溫溫潤潤能有滑澤輝光庸
麗美。乃是仁象。惟此利劍銳銳廉廉能堅剛而
績密庸斷決。乃是勇象。惟智仁勇。天皇神寶豈
可造次離矧不敬哉。愛秀躬欽若奉承厥賜不
享纘基業。又詔伴心和聖排雲壘排鄙天賦滑
誓女任五部長率從諸族既皇大神詔思慮暨
太供曰。惟汝二神偕侍御于朕內宮攝行萬機
政。且詔豐食媛曰。惟朕天廷位攸御齋厨之穗。

惟汝在外宮宜典掌詔腕力男曰。惟朕命汝主
門戶開闔聿皇大神厥德至盛厥業至大茲盛
德大業極終神化葬于山後重靈邑昆祭于誘
幸居嚴威孔清涼川上宮式憚有皇大神詔肆
今拜祭思慮暨太供于厥宮乃祭豐食媛于幸
居瓊纏彌復原外宮乃祭腕力男于誘腕來去
縣迦腕村大守社是也。

皇朝神典卷之二終

皇朝神典或問卷之二

武陽八王子

天津眞著述

或問曰紀云伊弉諾尊伊弉冊尊共生日神次
生月神次生蛭兒次生素戔烏尊如何曰或說
與或說混一者也蛭兒者日靈尊之誤也素戔
鳴尊卽月神也或以蛭兒三歲脚尚不立是不
知蛭之爲日就於蛭字攙入謬說者也攝津西
宮祭神日靈尊而非脚不立蛭兒也蛭兒神固
不在也或問曰世俗云蛭兒尊以釣魚爲業然
則其行蹟亦詳也似有蛭兒尊曰日神主天機

以令立天下蒼生之產業惟天機與釣魚倭訓
相近故誤也與夫釣魚之祖者知事主神是也
○或問曰紀爲嚴皇嚴妃生國土山川草木而
後生日神月神記爲嚴皇嚴妃先生八大洲次
生海湊神次生風木山野神次生食神火神遂
嚴妃崩而後嚴皇襖被於是日神月神成何如
曰日成地成月成也地上自有山川而草木生
焉惟天神天真中主之神爲而成者也爰神人
氣化矣嚴皇嚴妃等是也嚴皇嚴妃二神生日
神月神是爲生日月非也是大日靈尊及月好

神尊也記爲嚴妃崩後嚴皇襖被而日神月神
成者亦非也○或問曰紀一書云伊弉諾尊曰
吾欲生御宙子乃以左手持白銅鏡則有化神
是謂大日靈尊右手持白銅鏡則有化神是謂
月弓尊一書云伊弉諾尊洗左眼因以生神號
曰天照大神復洗右眼因以生神號曰月讀尊
夫以二說按因陽以生日神因陰以生月神也
然而以日神爲女以月神爲男何也曰欲善皆
人之同心也雖然欲生神聖善良子而不能生
神聖善良子欲生姦曲邪虐子而不能生姦曲

邪虐子，是上自神人下至庶人若斯也矣。二神欲生御宙子，豈得必如意乎？惟後人附會說也。且手持鏡而子不可生也，洗眼而子不可生也，是欲立神靈玄妙之說而陷于妖怪說，使後人疑惑耳。且夫左右者猶言一二次序之謂也。以左右爲陰陽者非也。日神月神以其神德之優劣言也，非以謂男女也。○或問曰：天照大神以女神居皇位，何也？曰：質素無爲之世，乃立君，不論男女也。質性明麗，故令照臨天地四方也。○或問曰：世世天皇是皆日神之裔也矣。如神典

所謂則非日神之子孫也。如何？曰：世世天皇即日神之子孫也矣。非日之子孫也。日不生人也。月不生人也。星不生人也。龍不生人也。獸不生人也。鰐不生人也。人而生人，魚而生魚，禽而生禽，馬而生馬，牛而生牛，耳。○或問曰：紀記爲天照大神嚴設武備，佩劍負鞞，揮彌神典爲進男神，設武備，天照大神裝玉躬，何也？曰：進男神固勇悍，好武不設武備，何也？其造天朝也。山川動，國土震，以可知也。天照大神至仁，溫恭不裝玉躬，何也？仁者固無敵，何見弟來朝，負鞞著鞞，撫劍疾視，以

振匹夫之勇哉○或問曰紀記爲進男神昇天
神典爲造于天府何也曰謂朝而曰天是猶謂
朝兵曰天兵也乃天是天朝也高天原也卽謂
皇都也○或問曰紀記以三女神爲進男神子
以五男子爲天照大神子神典以三女五男共
爲天照大神子何也曰記曰天照大神誥進男
尊云五男因我物成故吾子也三女因汝物成
故汝子也紀云天照大神勅曰五男是吾兒乃
取而子養焉三女是爾兒便授進男尊豈其然
乎三女五男是當共爲天照大神與進男尊之

子也原其物根之說若信大神之言則是英明
欺人者也豈可謂神人之言乎蓋二神設子爲
令之嗣天位也矣皇太子愛秀躬尊有當嗣天
位之至德也秀靈及彥望等神有各當輔佐朝
政之良才也故使之在天朝輔佐國政也若三
女則必有良正和諧婉順貞操之資質也雖然
婦女子事蹟不顯明於世上古今然矣○或問
日記以秀明爲愛秀躬尊之長子以穗熟饒尊
爲次子神典何以穗熟饒尊爲長子曰日本書
紀一書以火明命爲瓊瓊杵尊之子以是按愛

秀躬尊之長子惟熟饒尊而第二子惟秀明尊也然誤而爲熟饒尊之子也明亮也且代乎皇父之大任而行天下之大事者是正當長子也是以可足知熟饒尊是愛秀躬尊之長子也○或問曰宣長以天火明神與饒速日神以爲別神何則饒速日當神武帝時而娶長髓彥妹然則時世大異也舊事紀之說僞也對曰饒速日之子亦襲父名而又復稱饒速日也其子亦稱饒速日然則當神武帝世而有饒速日也夫我國往古來今若斯之類甚多也武擊宿禰是孝

元帝四世之孫武雄心之子也歷事六帝仁德帝卽位七十八年薨享年三百七歲是亦誤也子孫世世稱武擊宿禰世世在同官者是也但不詳其幾世耳由是觀之則舊事紀說不可廢也若爲非之則饒速日不可知何皇胤也饒速日有天表天羽張矢滿彥尊覽之實知天神子曰事不虛也是以天火明與饒速日本一神而當滿彥尊時亦復有饒速日也與○或問曰紀以頻鑄媛爲瓊耀門之子神典爲瓊耀門之妹何也曰瓊耀門神卽秀明神也秀明神卽天照

大神之孫則頻鑄媛者曾孫也夫大神之曾孫而與乎巖宮幽居之猷議惟年齡不適也乃頻鑄媛者愛秀躬神之子而瓊耀門之妹也若斯之誤古書甚多也出於書寫之謬者也○或問曰紀以健真熊與征夷爲一神神典爲二神何也曰秀靈誠英邁雄豪神也豈唯一子哉且紀云夷鳥復名健夷鳥又云健御熊復名熊主然則爲二神可知也或曰彥聖之子紀爲一神神典爲三神亦然與曰然○或問曰天照大神自湖臻于山後何說也曰太古者人死則必棄其

宮室而徙遷於他是神世之典禮也我壯年見昔語者其書今行于世否其書云古昔人死則棄其室家而新經營清室以住焉伊豆國八丈島今尚然云云且神武帝至安德帝八十一世間遷都五十有四蓋太古之遺法也然則嚴皇崩後大神遷于山後國也何則大神當神世立天下大政重飲食及衣服詔晉男尊咨保食神以耕織之術保食神廟今在山後廣瀨郡誠舊蹟也且天巖宮招禱之事於天神籠山麓神籠山在山後十市郡是以大神在山後可知也○

或問曰紀記爲月神殺保食神神典無其事何也曰月神卽就狄神也就狄神卽晉男神也篤胤以爲然晉男神其德備智仁勇三者勇以足奮然遠行於無徑途之國也智以足接保食相共議農事也仁以足慈惠撫脚撫手等也夫然何殺智仁兼備之保食神蓋中古以神晉男爲惡神是以聚惡名於其身吾以爲神晉男剛健驅蟒蛇平夷狄立大勲於天下當其時而誰能有爲之者哉必有功勞也是故古今尊崇之諸國有祠然則不殺無辜之保食神必矣夫神晉

男之不善不如是之甚也○或問曰神典神樂之章甚詳也紀記二書所未及言也因何爲說也曰因諸書集而大成之略本乎古史成文○或問曰神典爲神晉男請十拳劍於大神而拜受是紀記所未載也如何曰紀正文曰大神勅曰其十握劍者是素戔嗚尊物也故此三女神悉是爾兒便授之素戔嗚尊惟誤傳也且劍鐵也豈可咀折三段乎是惟大神察神晉男無黑心授劍而受理之謂也豈有以女子授神晉男自子養男子之理哉十拳劍固神晉男之劍也

故便授之，神晉男也。神晉男固有遐往夷狄之任，其劍之必用，而大神當授之，神晉男當受之，誠然矣。豈令攜女子之時哉？○或問曰：神典曰：晉男尊，翱翔天極，徘徊地極，何也？曰：晉男尊，剛健，乃所巡行太甚，廣濶矣，太甚悠遠矣，謂天之所覆地之所載，日月所照，霜露所墜，普跋涉也，耳不必翔九天之上，徊九地之下。○或問曰：紀記云：割蛇尾，其中有劍，名曰叢雲。神典以斬蛇之劍爲叢雲劍，何也？曰：在蛇尾中者，蛇骨也，斬之用，神劍也。蛇尾豈含神劍哉？日本書紀一書。

曰：斷蛇劍今在石上也。又曰：今在吉備神部許也。出雲斂之川上山是也。雖然，方今石上不有蛇，韓鋤之劍也。傳道有筐，是蛇，韓鋤之劍筐，乃開而見之，空筐也。則可知叢雲劍，卽蛇，韓鋤之劍也。而不別有韓鋤之劍也。○或問曰：神典爲神晉男崩葬，木長去，靈退場，惟紀記所不言也。何如？曰：嚴皇嚴妃有葬地而明也。天照大神晉男尊，豈無埋葬地哉？紀一書曰：素戔嗚尊居熊成峯，而遂入於根國者矣。且今之日前國懸宮廟，神鏡惟與伊勢大廟神鏡兄弟也。乃日前廟。

知晉男尊廟也而名草者長去也日前者靈退
場也國音相近故借字者也地名其如斯也然
則貴尊之神靈退去之地轉可知也○或問曰
神典爲大神以寶璣各頒賜神胤紀記然不詳
何也曰紀一書晉男尊含左髻瓊著於左掌生
男名曰天愛秀躬尊含右髻瓊著於右掌生天
秀靈命含頸瓊著於左臂生天津彥盟命云云
記云晉男命嚼天照大神左髻珠吹霧成天愛
秀命復嚼右髻珠吹霧成天秀靈命復嚼髮珠
吹霧成天津彥盟命復嚼左手珠吹霧成活津

彥盟命復嚼右手珠吹霧成熊野奇靈命惟是
頒賜瓊璣以作神胤瑞璽也或請益對曰嚼者
動口也卽詔也吹者放氣也卽賜也含瓊嚼珠
而神子不可生也明矣○或問曰神典爲葬天
照大神於山後十市郡重靈邑有據也與曰三
種神寶者天皇不可須臾離躬之神器也矣豈
徒置於無謂之地哉自太古至崇神帝時世俗
傳道重靈邑葬天照大神之地是故齋戒遷神
寶於其地以奉祀天照大神也聖明英智之崇
神帝所行必有謂也且笠縫與重靈國音相近

也重靈者葬天照大神及天愛秀躬神之謂也
豈爲無據哉

